



Fylkesrådet for menneske med nedsett funksjonsevne

Fylkesrådmannen

Sakshandsamar:

Astrid Lernes

E-post: astrid.lernes@sfj.no

Tlf.: 92022176

Vår ref.

Sak nr.: 16/296-7

Gje alltid opp vår ref. ved kontakt

Internt l.nr.

8626/16

Dykkar ref.

Dato

LEIKANGER, 07.03.2016

Økonomiplan 2017-2020, Innspel, prosess, arbeidsdeling og framdriftsplan

Finansutvalet handsama i møte den 2.mars 2016 arbeidsdokument 2/16. Dokumentet er tilgjengeleg på fylkeskommunen si heimeside, www.sfj.no. I punkt 2.3 opplyste fylkesrådmannen at blant anna fylkesrådet for menneske med nedsett funksjonsevne skulle bli orientert om prosess, arbeidsdeling og framdriftsplan samt bli invitert til å kome eventuelle innspel/merknader.

Når det gjeld eventuelle innspel eller merknader til økonomiplan 2017-2020 kan det handsamast på to måtar:

- I arbeidsdokument 3/16 den 4. mai 2016. Frist er 20.april 2016,
- I saka til fylkestinget i juni 2016. Frist er 20.mai 2016.

Når det gjeld prosess og arbeidsform vart det vedteke å nytta tilsvarende prosess og arbeidsform som våren 2015. Nedanfor er den fastsette prosessen, arbeidsdelinga og framdriftsplan i høve arbeidet med økonomiplan 2017-2020 fram mot fylkestinget i juni 2016 lista opp.

Dato	Arbeidsoppgåver	Politisk nivå	Adm. Nivå
02.03.2016	Finansutvalet godkjenner skisse til prosess og framdrift	FINU	
Mars - april	Administrativ utgreiingsfase		FRM
04.05.2016	Framlegging av utgreiingsrapportar – utan tilrådingar/konklusjon	FINU	
11.05.2016	Framlegging av kommuneproposisjonen 2017	(KMD)	
12.05.2016	Orientering om administrative utgreiinger og kommuneproposisjonen for eit samla fylkesting. Påfølgjande møte i hovudutvala.	FT HU	
24.05.2016	Utsending av fylkesrådmannen sitt framlegg til økonomiplan 2017-20		FRM
31.05.2016	Hovudutvala si handsaming	HU	
01.06.2016	Fylkesutvalet si handsaming	FU	
14/15.06 2016	Fylkestinget si slutthandsaming	FT	

Administrativ utgreiingsfase: I denne perioden gjennomfører fylkesrådmannen pågående utgreiinger som finansutvalet har definert.

Politiske prioriteringar: Når utgreiingane er ferdige, vert dei først presenterte for finansutvalet. I denne presentasjonen skal ikkje fylkesrådmannen «meine noko», berre prøve å få fram kva konsekvensar utgreiingane viser (økonomiske, administrative og andre). Politisk side får så



høve til å sjå resultatet av dei ferdigstilte utgreiingane samla og vurdere konsekvensane av utgreiingane opp mot kvarandre. Dette vil sikre det overordna perspektivet i prioriteringane.

For å sikre ei god forankring av utgreiingane vert det vidare lagt opp til ei fellesorientering for heile FT med påfølgjande møte i hovudutvala 12 mai. Det vil då vere aktuelt å presentere materialet som er lagt fram for finansutvalet, samt orientere om innhaldet i den nyleg framlagde kommuneproposisjonen. I etterkant av orienteringa vert det lagt opp til at hovudutvala får gjere strategiske val og interne prioriteringar på eigne sektorar. Det vert også lagt opp til at hovudutvala vil få den sektorovergripande utgreiinga knytt til folkehelse til handsaming i mai, jf. pkt. 3.3.

Utsending av fylkesrådmannen sitt framlegg til økonomiplan 2017-20: Det vert lagt opp til at fylkesrådmannen kjem med eit samla administrativt framlegg som grunnlag for den politiske handsaminga. Dette sikrar at det politiske nivået får eit samla opplegg å forhalde seg til, samstundes som fylkesrådmannen får høve til å gje uttrykk for ei samla administrativ prioritering. Fylkesrådmannen kjem med sitt framlegg på «fritt grunnlag», men vil sjølv sagt – så langt råd er – forhalde seg til hovudutvala sine prioriteringar og finansutvalet sine ev. merknader. Hovudutvala sine prioriteringsvedtak vil følgje det administrative saksframlegget. Denne arbeidsmåten og dette tankesettet vart nytta i 2015, med godt resultat.

Politisk slutthandsaming: Det vert så lagt opp til ordinær politisk slutthandsaming av framlegget, der hovudutvala mv. får høve til å kome med sine tilrådingar før saka vert handsama i fylkesutval og fylkesting. Det er først no at politisk side får dei fleste sektorovergripande utgreiingane til handsaming.

Med helsing

Astrid Lernes
Kst. økonomisjef

Brevet er elektronisk godkjent og er utan underskrift

Vedlegg:

Mottakar (ar)
Fylkesrådet for menneske med nedsett funksjonsevne

Kopi til:
Anne-Kjersti Stenehjem, FRM